

Media : Berita Harian

Date : 31 March 2017

## 26 belia manfaat program kelas masakan intensif

**Kuala Lumpur:** Seramai 26 golongan kurang bernasib baik termasuk beliawanis berjaya menerima manfaat di bawah Program Kesihatan dan Pendidikan HOPE Worldwide Malaysia menerusi program 'Hope of Life with Culinary Arts'.

Program hasil inisiatif Ajinomoto itu menawarkan latihan insentif selama lima bulan dalam kelas teori masakan, masakan panas dan kelas membuat pastri sehingga mereka terlatih dan bersedia menggunakan kemahiran yang dipelajari.

Ketua Pegawai Eksekutif Ajinomoto (M) Berhad, Keiji Kaneko, berkata program yang dilaksanakan sejak 2013 itu bertujuan membantu memperkasakan golongan kurang bernasib baik dengan kemahiran kulinari.

### **Peserta buat jualan**

Katanya, kemahiran dipelajari itu kemudian ditunjukkan dalam kempen jualan kebajikan yang diadakan di AMB dan The New Straits Times (NSTP) bagi menunjukkan kemahiran hidup baharu yang dipelajari selama lima bulan.

"Berpandukan operasi perniagaan sebenar, aktiviti jualan itu

diadakan dengan harapan dapat memberi peserta pengalaman sebenar dan bersedia untuk memulakan perniagaan kecil-kecilan pada masa terdekat.

"Hasil daripada jualan sebanyak 480 botol Tumix Chicken Tilles dan sumbangan derma itu pula dibahagikan sama rata kepada belia kurang bernasib baik daripada HOPE Worldwide Malaysia," katanya dalam satu kenyataan.

### **Kemahiran masak yang jitu**

Program ini turut mendapat kerjasama daripada Institut Bakeri Malaysia (MIB) dan Junior Chamber International (JCI) Kuala Lumpur.

Keiji berkata, menerusi program ini, pihaknya berharap ia akan membawa perubahan kepada kehidupan golongan kurang bernasib baik.

"Dengan menggunakan kemahiran masakan untuk menyara kehidupan, kami percaya masa depan golongan belia ini akan lebih cerah.

"Ajinamoto membuktikan komitmen dalam memenuhi tanggungjawab sosial korporat untuk memberi manfaat kepada mereka yang memerlukan," katanya.

Media : Berita Harian

Date : 31 March 2017

**Program 'Hope of Life with Culinary Arts'**

**Info**

- Bermula Jun 2013
- Seramai 66 orang berjaya dilatih
- Usia antara 14 hingga 23 tahun
- Menu diajar antaranya mi soto, nasi lemak, kanipap

